

EiTB Eusko Jaurlaritzaren menpeko *erakunde publikoa* da; Eusko Legebiltzarrak sortu zuen, 1982an, gizarateak botere publikoei berezko ikus-entzunezko komunikazioko talde bat, publikoa, eskatzen zielako, Autonomia Estatutuaren 19. artikulua babesean.

EiTBren helburua, sortu zenetik, *adierazpen-askatasunaren defentsa, komunikatzeko eta informazioa askatasunez jasotzeko eskubidea zaintzea eta zeregin hori gizarte demokratiko baten eskakizunekin bat etorri betetzea da, euskararen normalizazioa bultzatuz.*

Enpresa-egitura

EiTBk pertsona bakarreko lau sozietate anonimoren bidez jarduten du (EiTBk % 100ean parte hartzen du horietan): Euskal Telebista SAU (telebista), Eusko Irratia SAU eta Radio Vitoria SAU (irratia) eta EiTBnet SAU (Interneteta).

Sozietatearen egoitza, zerbitzu zentralak eta telebistaren, irratia eta Interneten negozio-unitateak Bilbon daude. Donostian Telebistako Programen Produkzio Zentroa dago, bai eta euskarazko irratietxeen egoitza ere. Eta Gasteizen Radio Vitoriaren egoitza eta hiriburuko telebista- eta irratibulegoak kokatzen dira.

Horrez gain, EiTBk *Iruñean eta Baionan* bere irratia- eta telebista-baliabideetarako zentroak dauzka. Era berean, bulegoak dauzka *Madriren, Bartzelonan, Bruselan, Pekinen, Londresen, Parisen, Bogotan eta New Yorken*, bai eta nazioarteko gertakizun nagusiei jarraitzeko bulego ibiltariak ere.

Guztira, EiTB Taldeak mila enplegatu inguru dauzka, eta 350 eta 450 pertsona bitarteko enplegu induzitua sortzen duela zenbatesten da. 125 milioi euroko ustiapen-aurrekontu bateratua dauka (2014).

Eskaintza

EiTB Taldeak EAEko bi hizkuntza ofizialetan emititzen du, alegia, euskaraz eta gaztelaniaz, telebista, irratia eta Internet euskarrien bidez. Hori dela-eta, EiTB kasu berezia da Europan, bere *eskaintza nagusia* komunikazio elebiduna duen enpresa bakarra delako.

EiTBk orotariko telebista-kate bat (ETB1), haurrentzako eta gazteentzako gaiak dituen kate bat (ETB3), orotariko irratia bat (Euskadi Irratia), entzule gazteentzako irratia-formula bat (Gaztea) eta informazio eta entretenimenduko edukiak dituen atari bat (eitb.eus) eskaintzen dizkio audientzia euskaldunari. Euskarazko eskaintza nagusia eta ia bakarra da herritar euskaldun gehienentzat.

EiTBk orotariko telebista-kate bat (ETB2), orotariko irratia bat (Radio Euskadi) osagarri batekin (Radio Vitoria) eta informazio eta entretenimenduko edukiak dituen ataria (eitb.eus) eskaintzen ditu gaztelaniaz.

Halaber, beste telebista- eta irratia-kanal elebidun hauek dauzka, eskaintza nagusia osatzeko eta edukien eskuragarritasuna optimizatzeko asmoz: ETB4 (TDT), Canal Vasco (satelite eta kable bidez Europan eta Amerikan banatua) eta EiTB Musika. Horiei *streaming* bidezko bestelako telebista-kanalak gehitzen zaizkie.

Hedapena

Telebista, irratia eta Internet euskarriak banaketako enpresa espezializatuen bidez hedatzen dira. Irratia eta telebistaren lurreko hedapena EAEn *Itelazpi* sozietate publikoari dagokio. EiTBk aliantza estrategikoa dauka sozietate horrekin.

Era berean, EiTBk kable, IPTV eta satelite bidezko banaketa-operadoreekin, Euskadin zein Estatuan jarduten dutenekin, dauzka aliantzak. Honako hauek gailentzen dira, sartze-mailagatik: *Euskaltel*, EAEko etxeen erdiek gutxi gorabehera telebista-kanalak operadore horren kablearen bidez sintonizatzen baituzte, eta Estatuko bi kable-operadoreak, *Movistar* eta *Vodafone*.

Internet bidez hedatzeko, *Telefónica* eta *Akamai* enpresekiko aliantza azpimarratzen dugu, eitb.eus atariaren konektibitate handia ahalbidetzen baitute EITBren eduki multimedietarako.

Herritarren eskaera nabarmena dagoen arren eta Nafarroako Parlamentuak zenbait adierazpen egin dituen arren Nafarroako Gobernuari EITBren digitalizazioa (TDT sistemaren bidez) erraz dezala eskatzeko, Nafarroan hedapenak sistema analogikoan dirau, elkarteek eta/edo udalek instalatutako errepikagailuen sare baten bidez.

EiTBk akordio bat egin du *Syndicat Intercommunal pour le soutien à la culture basque* delakoarekin (Iparaldeko Euskal Herriko toki-erakundeek osatua), *TDF-k* (Frantziako telebista-hedapeneko enpresak) Iparralden lau telebista-kanalak (ETB1, ETB2, ETB3 eta ETB4) eta bost irrati-kateak (Euskadi Irratia, Radio Euskadi, Radio Vitoria, Gaztea eta EiTBMusika) hedatzea errazteko helburuarekin.

Ohiko nazioarteko telebista-hedapena Amerikarentzat Hispasat satelitearen bidez egiten da. Europako eta Amerikako kable-operadore ugari telebista-seinalea banatzeko baimena eskatu eta lortzen dute.

Enpresa-partaidetzak

Expressive SL publizitatearen merkatuan eta komunikazio-enprekin zerikusia daukaten produktu eta zerbitzuetan espezializatuta dagoen komertzializazio-enpresa da. Sozietatearen egoitza Bilbon du. EiTB-netek akzio-partaidetza bat dauka horretan, kide gutxiengodunarena, % 25ekoa. Gainerako % 75a akziodun pribatuei dagokie.

EiTB Taldeak irabazi-asmorik gabeko erakunde hauetan ere parte hartzen du:

- *Vicomtech-IK4*. Irabazi-asmorik gabeko elkarte, IK4 aliantza teknologikoko kidea, ikerketa aplikatuko zentro gisa diharduena ordenagailu bidezko grafiko interaktiboan eta teknologia multimediararen arloan. EiTB Taldea eta INI GraphicsNet talde alemana dira enpresa fundatzaileak. Gaur egun EITBren sozietateek eta beste hamasei erakundek osatzen dute elkarte. Miramongo Parke Teknologikoan kokatuta dago, Donostian.
- *Euskadi Kirola Fundazioa*. *BAT Basque Team* kudeatzen duen fundazioa; goi-mailako euskal kirola bultzatzea du eginkizun, goi-lehiaketan euskal kirolarien ordezkartza oparora erakartzeko. EiTBk, EAEko Administrazio Orokorrearekin batera, % 50ean parte hartzen du.

Aurrekoaz bestelako esparru batean, laguntza instituzionalekoan, azpimarra daiteke EiTB Taldeak bost erakundetan parte hartzen duela patronatuko kide gisa:

- Guggenheim-Bilbao Museoa,
- Bilboko Arte Ederren Museoa,
- Donostiako San Telmo Museoa,
- Gasteizko Artium Museoa,
- Euskaliten Patronatua.